

Кикванила хабар

Булера-баквалера буйибле цаби ца Киквани. Илела буле буййиб цаби каал гали. Ца бари гилай дикле гьаттахьибле цади хьихъве. Киквани рик1вил цари: «Ду рахъанда Хайдакьлице хьихъвая, уцца унца гыйк1ал ачмадиркьиттая». Гьабалчунне чувалра царира агурцари хьихъвая.

Дярхялалий бач1ибле цаби бец1. Кьутбик1вле цаби бец1 унцалце ачдаркья ибле. Кикванилла гиле бик1ил цаби: «Нисала айба хьихъвая агурле царину, ачдиркьлаччуда». Бец1ли дурче кях1ибле чувалли кьаркья, ник1алла замана агурле гьитти кьут1 бик1вил цаби унцалце. Кьаркья дурче кях1ибце чувал пяхъяр биркье: «Ачдаркья унца, ду гьаргьибладану». Гилад ачдаркьиб цади унца. Бец1ли верал гали берккун цаби, ккаибил гали элгун цади гурвийибле тавли.

Дучелий рач1иб цари Киквани. Гьварригьил цари унцале – ачле цади. Хъили рурче гьархъунне гьварригьил цари – гиле бакку, гьвя рик1вле цари гилацце, тавлирка ца галла гьай ибле шерч1и бакьиб цаби. «Чинаби цабате гиле?» - рик1вил цари ил. «Валлагь бец1ли берккун» - ик1вил цади гали. Рисле кариб цари хьаллиса Киквани.

Гьуршелле дуц1ибле аргрнце куртай шерч1и бакьибле, курта чесабч1ибле цаби Кикваница. «Целий рисалди?» - бик1вле цаби куртта. «Дила верал гали бец1ли берккун цаби, ду хьихъвая агурле релле» - рик1вил цари Киквани. «Ду бахъанда бец1 барччи» - ибле агур цаби куртта. Барчиб цаби курттай бец1 барисаб лаккур бахъле. Саламра беччибле курта бик1вил цаби: «Бец1, баше Ургадурчче миглед чиркадиргарай». Бец1 радибихуб цаби. Агурцади ч1велра миглед чиркадиргарай. Бец1 сала кабиб цаби, курта гьела гьирбелк1ун цаби. Куртали бец1ла ч1имиле тях1не чедатурле цади. Бец1ла ч1ими мигбибтурле цаби.

Курта дуц1бухъунне сабч1иб цаби Кикваница. Гьадалчун цади биреттара, цихъвара, агурле мигле – цалицце цихъва, цалицце биреттали пяхъчекабик1вле бец1ле, турсабтурле цаби ребил гиле. Киквани радирихубле цари. Сачибле гилеракуртара сарч1ибле цари хъили. Бик1убле цаби экъеб ц1а, чегьабцурле кьачу, баркьибле цаби гилайра, цинийра накъунна палав. Куртай баркьибле цаби хьяссалла палав букунне цаби.

Дучче бигьибле цаби. Кях1ибле цади цинийра гилайра палалла бурушме, куртай г1яццалла буруш. Кабсун замана курта бик1вил цаби: «Бек1лицера алт1ил цади, кьакьилцера алт1илцади, хьхлицера алт1ил цади» - ибле ц1ихнера гудатурле цабира гьабцурле бибшибле агур цаби.